

docriver 文川网  
入驻商家  
在文川网搜索古籍书城 获取更多电子书

中國方志叢書·華北地方·第五二二號

據

清·衛秦龍修，傅維標纂  
清康熙十一年修，二十五年刊本

影印

河北省

# 靈壽縣志



成文出版社有限公司印行



\*10106115\*

中華民國六十五年 月壹一版

# 靈壽縣志

全 冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

靈壽縣志序

靈壽於真定三十二州縣中最爲瘠壤其民遇豐歲豈敢  
羹僅免溝壑一遇水旱螽蝻之災流離轉死不可救藥蓋在  
前代已然兵燹之後元氣益復衰耗以故文獻散佚無徵按  
史傳所記故事詢之士人無有能道之者大禹治衛疏鑿何  
所鮮虞中山之時疆理若何武靈惠文屯兵何方昌國君遺  
址安在樂叔繼封何鄉何里邳侯食采第宅何存何年始廢  
曹武惠韓忠獻父子聚族何村始遷何代大聖大賢之故迹  
如烟雲之過目不可復求穆然徒見滹沱流而太行峙而已  
卽戶口之盛衰賦役之繁簡典禮之廢興自明以前亦湮沒

docsriver 文川网  
入驻商家 古籍书城

在文川网搜索古籍书城 获取更多电子书

不可考豈不可慨也哉國學生傅君維樑憫舊志之殘缺網羅放失舊聞彙緝成編藏於家塾筆削詳畧具有法度不鑿不濫然其已湮沒者亦末如之何也適余奉 部檄徵縣志因取其書稍爲更定附以管見分爲十卷聊以備採擇云爾閱是編者見其土瘠民窮慨然思爲政者宜安靜不宜紛更寧損上毋損下寧便民毋便官則可矣若曰一方之文獻在是則余與傅君皆不能無愧焉

崑

康熙乙丑仲夏

賜進士出身直隸真定府靈壽縣知縣當湖陸隴其謹序

凡例

一真定府志分表紀志傳今總謂之志其人物志卽傳也而表紀則缺焉蓋一邑之小文殘獻缺不能如府志之詳靈壽土瘠民貧居官者知此然後不敢以紛更聚斂爲事士著者知此然後不敢以侈靡爭競爲能綱領所在故隨處提醒

一郡邑志例有八景悉屬湊合曲陽志獨刪之差強人意蓋觀山川者當知其源委形勢沾沾於景抑末矣况又牽合乎今悉不載卽縣境一圖亦止以山川爲經村落爲緯無取於景

一舊志凡官廨昔有今無者不敢輒削但就本地之下註曰  
久廢以志桑滄之感今依之

一牌坊之建蓋表厥宅里之意所重在人不在於坊買櫝還  
珠無取乎耳故名臣賢士旣表章於各傳中不復載其坊  
額

一闢邪崇正爲政之大防故佛老寺觀槩不敢載如魯栢邢  
林止因事而見

一天下通行如文廟儒賢位次籩豆牲帛之數儀注祭文詳  
在會典者俱不載

一賦役關係民生休戚故備詳沿革不厭其煩

一官師選舉止詳本朝亦本舊志斷自明初之例非敢擅創也

一名臣言行如樂昌國曹武憲彰彰於正史者止存其畧俱不詳載

一風雲月露之篇無關地方利病者俱不載

一名賢著述如朱仲福之折中曆法因兵燹散失訪求未得亦從闕如

一靈壽舊志修於萬曆丙子者缺畧不全修於康熙壬子者草創未就國學生傅君維樸因前二志益以已所聞見序次成書詳畧有法取舍不苟此編雖稍有更定然大半本



於傳書前後序論則係管見亦有出自傳君者求當理而  
已不復分別某人之言中間隨筆所記不成論者則皆以  
一按字冠之

陸隴其識

履修縣志姓氏

康  
重修

明嘉靖庚寅創修

知縣豐城李廷璋

教諭汝陽張 繹

舉人 王維藩 董宗魯

監生 李 鰲 張 復

生員 彭舜卿 吳純仁 尹欽德 申舜臣

嘉靖丙申較刊

知縣湘潭石如鰲

訓導洪洞范 登

履修縣志

姓氏

生員 趙景暘 楊希哲

萬曆丙子重修

知縣南豐張 照

教諭昌樂王 纘

訓導聊城王 基

進士 傅鳴會

舉人 楊騰芳 耿德章

生員 董尚純 馬朝用 楊騰奇 侯三聘

馬思選 尚東儒 王慎行 貢繼志

國朝康熙壬子重修

知縣韓城衛秦龍

訓導安州姬弘基

廣順知州傅維模

貢生 康國盛

監生 傅維樓

官生 傅燮調

生員 吳奇光

董朝英

馬鴻助

靈壽縣志姓氏終

康熙丙寅  
秋較刊

靈

精

靈

靈


精


靈

東至行唐縣界一十五里

自靈邑流入行唐境

自靈邑流入定境





西至平山縣界二十五里

諸村落開有舊志不載者據今增入

自平山流入靈邑境

里天界



靈壽舊志地圖簡甚康熙二十三年奉 上諭命天下繪輿圖因徧歷境內山川考其源委纂成是圖一邑之經緯昭然在目矣然欲明其大勢非觀畿輔全圖不可按畿輔之水惟承平之際滹陽諸河自入海其餘皆歸於衛白二河以入海衛發源衛輝府至天津而入海白河卽潞河至天津三岔口與衛河合流入海大名之水如洹如淇皆自入衛順德廣平之水如滏陽如漳皆經大陸會於滹沱以入衛滹沱至獻縣分流一支入白真定之水如滹如派如滹彙爲高陽河保定之水如涞如易彙爲白溝河如徐如雹彙爲長流河皆會於任丘縣趙北口之四角河又東至霸州保定縣爲玉帶河又東入白順天之水如拒馬如琉璃皆會於滹河合玉帶河而入白大抵千支萬派而衛白二河其綱也入衛諸水滹沱其綱也入白諸水滹河及趙北口之四角河其綱也以禹貢之迹言之則泲水大陸九河衛漳恒衛大任皆在畿輔泲水在冀州大陸在任縣鉅鹿隆平寧晉一帶滏陽漳水之所經也九河在南皮衛漳卽漳水之合滹沱者也恒水在唐縣或云卽派河衛卽靈壽之衛非發源衛輝者大任山在濬縣東南不與西北諸山相接謹列其大略附於圖末庶有心者知所考云

docsriver 文川网  
入驻商家 古籍书城

在文川网搜索古籍书城 获取更多电子书

靈壽縣志 目錄

康熙乙丑重修

卷之一

地里志

沿革 疆域 分野 山川 風俗  
古蹟 社里 集市 紀事 方音

卷之二

建置志

城池 公署 學宮 壇廟  
官舍 關梁 丘墓

卷之三

祀典志

秩祀 羣祀

災祥志

物產志

卷之四

靈壽縣志

目錄

田賦志

上

卷之五

田賦志

下

卷之六

官師志

勳封  
師儒

邑令  
僚屬

卷之七

人物志

后妃  
孝義

名臣  
隱逸

仕蹟  
列女

卷之八

選舉志

卷之九

藝文志 上

卷之十

藝文志 下

卷之末

附錄 條陳 志議

靈壽縣志目錄終

康熙丙寅  
秋較刊

靈壽縣志卷之一

康熙乙丑重修

地里志

地里之變遷多矣微史家之記述後之人孰從而辨之故自禹貢職方而外二十一家之史蓋莫不兢兢焉雖葭苕邑在宇宙中特太倉之一粟然分封有沿革疆域有廣狹星野有分屬山川有源委染而爲風俗久而爲古蹟以至鄉社街市廢興不一皆爲政者所不可不知也

沿革

靈壽禹貢冀州之域春秋時屬鮮虞國威烈王時建中山國屬中山魏樂羊伐中山取之文侯封樂羊於靈壽中山復國

桓公徙都靈壽其後不恤國政爲趙武靈王所滅漢置靈壽縣屬常山郡晉北魏皆因之後周立蒲吾郡隋開皇中廢郡爲縣隸恒山義寧元年以縣置燕州唐武德四年州廢改隸并州貞觀十七年并州廢還隸恒山大曆三年置泚州於行唐以縣及恒陽隸之九年泚州廢縣還故屬元和十五年避穆宗諱改恒山爲鎮州縣仍隸焉宋熙寧六年省爲鎮入行唐八年復置縣金因之元至元中以曲陽爲恒州立元帥府領縣後恒州廢隸真定路明洪武元年改路爲府遂爲真定府屬縣 國朝因之

按靈壽在戰國時屬中山然中山世次國都史無明文左傳定公四年晉荀寅謂諸侯方貳中山不服中山之名見



經傳始此杜預云中山鮮虞考昭公十二年杜預注云  
 白狄別種在中山新市縣則今之新樂縣也漢初置中山  
 郡景帝改爲國治盧奴則今定州豈鮮虞舊都新樂至定  
 哀之際遷都定州歟史記六國表威烈王二十二年中山武  
 公初立徐廣謂是西周桓公之子貽鮮虞既滅周乃以封  
 桓公之子威烈十八年魏文侯克中山後三十八年其子  
 武侯之世趙又與中山戰於房子其時蓋已復國漢書地  
 里志謂靈壽中山桓公居此是中山既復國之後徙都靈  
 壽也合而觀之自新樂而定州而靈壽者中山之國  
 都也自白狄別種而武公而桓公者中山之世次也  
 論曰靈壽晉以前皆隸常山郡然漢常山治元氏晉常山  
 治真定隋唐以來或隸并州或隸涿州或自爲郡或省爲  
 鎮沿革之故亦不一矣自爲政者好紛更而郡邑變易無  
 常作史者至不可勝紀 本朝定鼎悉仍前代之舊豈不  
 善乎

疆域

靈壽縣在府治西北五十里至京六百五十里東至行唐縣界一十五里至行唐縣治四十五里西至平山縣界一十五里至平山縣治三十里南至平山縣界八里北至阜平縣界七十里至阜平縣治一百五十里東南至真定縣界一十五里西南至平山縣界一十五里東北至行唐縣界二十里西北至山西五臺縣界一百九十里至五臺縣治二百九十里論目前史但載郡縣之名而不載其疆域故莫得而考焉據今所至列於篇自漢以來其卽如是耶其不如是耶不可得而知矣若夫民心無常惟惠之懷封疆雖設可以限

地不可以限民是又在長民者加之意也

### 分野

周禮保章氏以星土辨九州之地所封封域皆有分星以觀妖祥漢書云昴畢冀州月令章句曰自胃一度至畢六度謂之大梁之次清明穀雨居之趙之分野帝王世紀曰自胃七度至畢十一度爲大梁之次於辰在酉謂之作疆於律爲姑洗斗建在辰今趙分野二說度數稍異而星次則同晉舉全趙言也晉書云趙郡入畢八度真定入畢十三度新唐書云自濁漳之北據中山真定逾衆山盡代郡爲畢分則從真定府而西北專屬畢舍不得槩以冀之昴畢趙之胃昴畢例之

又自奎至胃曰畢之次爲魯分野自畢至東井曰實沈之次爲晉分野靈壽居真定西在禹貢爲冀州域在全趙爲西北隅也東去魯遠而西與晉隣詳稽諸說顯在畢宿所屬

論曰分野之說賈公彥謂古者受封之日歲星所在之辰僧一行謂是山河之首尾與雲漢之升降相應論者往往疑其不同余以爲二說一也賈公彥言其流僧一行推其源而已惟山河與雲漢旁之列宿相應故歲星在其地則受封雖千百世皆如是占可也

山川

卧龍崗在縣東北二里

赤岸在縣西二里土色如丹砂

白馬崗在縣東八里相傳崗下有白馬害稼隱見不常民禱於神而捕之害遂寢

長崗嶺在縣北十五里勢如伏龍

聖佛嶺在縣西北六十里

文山在縣西北六十里上有周文王廟今按此地不應有周文王迹或云是趙惠文王

魯栢山在縣西北六十里東峯若翔鳳名鳳凰石西峯若卧象名卧象石石有竅人可僂而過又名玲瓏巖兩峯對峙飛瀑出懸崖下注爲潭謂之龍門中建禪定寺寺後有曬

穀石絕頂有通慧庵東山有太子峪相傳爲春秋時魯世子修道處不見經傳不可信山多產栢

楸山在縣西北七十里山多產楸有古剎

橫山嶺在縣西北八十里靈邑山凡東西連亘者總名曰前山後山獨橫嶺橫枕兩山間自富豪山發脈長陸平崗南止慈濱若虎豹踞而龍蛇走也

漫山在縣西北八十里

石佛峪在縣西北八十里山溪北向抵石壁乃折而西流注於慈河

石門山在縣西北八十五里北倚富豪山疊嶂巉峭壁立萬

docsriver 文川网  
入驻商家 古籍书城

在文川网搜索古籍书城 获取更多电子书

尋分爲十巖作九石門皆懸崖中斷溪流湍激深寂幽邃  
睽隔人世山居數家柴門茅茨其男女蠢蠢與鹿豕相爾  
汝焉

富豪寨山在縣西北九十里山勢峻拔高出雲表下視楸栢  
諸山培塿耳初從山麓有鳥道可通至半則峭立如壁僅  
生石乳攀蘿側足而過者數十步漸達於頂乃平曠可耕  
向在兵革邑人避難其地多獲全焉山北屬阜平

朱山寨在縣西北九十里舊志謂朱買臣艾薪於此買臣吳  
人不在此相傳之誤也

佛護山舊志在縣西北一百里今查在縣西北七十五里



祁林山在縣西北一百一十里北齊趙郡王高叡歷選太行勝槩得朱山之陽建祁林寺置僧舍二百餘間擇行僧二千餘衆居之齊亡寺亦荒廢繼盛於元之大德間今殿宇規制雖無當日之盛而奇峯四列林谿幽麗山靈固自無損焉

滴水塘溝山在縣西北一百二十里流泉爲塘其水甘以清居民多取用焉

砂嶺山舊志在縣西北一百二十里今查在縣西北一百十里產解玉砂砂隱於石石剝而砂始出色墨以碧質堅以潤玉工用之治玉所謂他山之石可以攻玉者是也內府